



Nyt se on sinun vuoro

Näin met ajoma tehdä Ruottin voimakhaaks sulle.



Voimakas Ruotti sulle

Tänä syksynä sie olet matkassa päättämässä, mihinkä suunthaan meän maa pittää mennä. Met luppaama yhtenäisyyttä, emmä jakoilua. Met luppaama investeerinkiä, emmä leikkauksia. Ruotti on pitkän aijan heikentyny, ja met haluama tehhä Ruottin uuesti vahvaks sulle.

Met sosiaaldemokraatit olema tehneet kotiläksyn ja menheet takashiin meän juurile. Kolmen vuen aikana met olema työskentelheet ratkaisuja, jotka hyökkäävät tämän päivän prupleemia ja valmistavat Ruottia levottomhaan aikaan. Met olema nyt suorasanaisempia ja enemän toiminta-kykysempi partii. Tehtävänä on ette parantaa lujasti työntekjöttien arkipäivää ja vahvistaa yhteiskunnan yhteisöä.

Nyt se on sinun vuoro.



Voimakas ekonomii näkkyy sinun pörsissä

Monen vuen korkean inflaasjuunin jälkhiin, ruokahinnoitten nousujen jälkhiin ja rikkaimitten suuritten veroalenuksitten jälkhiin on nyt tavalisitten ihmisitten vuoro, joila on tavaliset työt ja palkat. Yheksän kymmenestä saavat enemän pörshiin meän pulitiikala.

Met haluama taistella syypperkorkeata työttömyyttä vasthaan. Jokhainen, joka saattaa olla töissä, pittää olla töissä. Ruotti tarttee ofensiivisen ja mudernin kasvopulitiikan. Investeerinkiä hyvinvointhiin ja klimaattimuutoksheen merkittee enemän työpaikkoja koko maassa.

- Karensi joka ei ole tasa-arvonen pittää ottaa poies.
- Korkeampi pansuuni niile, jotka on tehneet töitä koko elämänsä.
- Kovempi pressi pankkia ja ruokajättiä kohtaan.
- Suoja korkeita sähön hintoja vasthaan.
- Korkeampi lasten biitraaki ja nuorile ilmhainen hammashoito.



Voimakas koulu, hoito ja huolto sulle ja sinun perheele

Sie piät olla turvalinen ja saa tukea ja apua riippumatta missä elämän vaiheessa sie olet. Siksi tarvithaan enemmän henkilökuntaa hoijossa, koulussa ja huolossa. Sillä tavala heilä on enemmän aikaa sinun kans.

Kouluraha pittää pysyä koulussa ja opettajila pittää olla enemmän aikaa lapsele, joka nostaa kättä, ja lapsele, joka ei koskhaan nostaa kättä. Met piämä satsata enemmän vanhoitten hoithoon, varmistaa, ette henkilökunta saapi paremat eelytykset ja ette he ossaavat puhua ruottia. Koska Ruottissa pittää olla turvalista tulla vanhaaksi.

- Lyhemät oottoajiat hoijossa.
- Lissää opettajia koulussa.
- Vinstirahan kielethään koulussa ja eskoulussa.
- Lissää henkilökuntaa ja kielivaatimuksia vanhoitten hoijossa.



Voimakas yhteisö ja lisättävä turvalisuus missä sie asut

Rikolisuus naakii lähemäks ihmisitten arkipäivää, ja yniikki vakava tilane vaatii usia tapoja selvittää prupleemia. Siksi met haluama valvoa nuoria jotka on riskiryhmissä ja lukittea jängijohtajat maffialaila.

Uhka tulee kans ulkopuolelta. Siksi Ruottin militääri kykyä pittää rakentaa kätevästi, samala kun met haluama vahvistaa kriittisiä osia yhteiskunnassa, esimerkiks rautatie, siukkahoito, sähkö- ja ruokatuotantoa. Met olema valmhiita tekemhään yhteistyötä ja luomhaan laajaan poliittisen tuen ette turvata Ruottia.

- Puolustaa Ruottin demukratiaa ja meän elämäntapoja.
- Täysi koko maan puolustusta piethään laajentaa.
- Tiukka asene rikokshiin ja rikoksitten syihiin.
- Maffialaki pittää fangita jängijohtajat.
- Ruottila ei piä olla heijon aseman alueita.

Hei,

Mie rakastan Ruottia, mutta liian pitkään tämä maa on hajonu oshiin ja heikentyny. Kovasti työtä tekevät ihmiset on saanheet huonomat olot.

Mulla on plaani tehdä tämän maan uuesti voimakhaaks sulle. Mie haluan rakentaa laajoja ja voimakhaita yhteistyöprusjektia, jotka tuottavat tuloksia ja parantavat arkipäivää. Näinä epävarmoina aikoina mitä met elämä on tärkeämpi kuin koskhaan, ette Ruottin parasta asetethaan eturivin ensi paikale.

Mie en luppa kaikkia kaikile. Mutta monen tyffin vuen jälkhiin se häätyy olla sinun ja sinun perheen aika nyt. Se on minun luppaus sulle.

13 syyskuuta sulla on valinta. Mie haen sinun luottamusta johtaa Ruottia ette met saatama rakentaa tämän maan voimakhaaks uuesti.



Magdalena Andersson



Vaalifolderi on
käänetty 17 kielile.



Mie haluan antaa minun
äänen Sosiaaldemokraatile.



Socialdemokraterna